



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ  
ՀՐԱՄԱՆ

№ 1245-Ա/2

«01 » նոյեմբերի 2017

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐԻ 2009  
ԹՎԱԿԱՆԻ ՕԳՈՍՏՈՍԻ 25-Ի N 758-Ա/Ք ՀՐԱՄԱՆՈՒՄ ԼՐԱՑՈՒՄՆԵՐ ԿԱՏԱՐԵԼՈՒ  
ՄԱՍԻՆ

Ղեկավարվելով «Նախադպրոցական կրթության մասին» ՀՀ օրենքի 20-րդ հոդվածի 4-րդ մասով՝

**Հրամայում եմ՝**

Հայաստանի Հանրապետության կրթության և գիտության նախարարի 2009 թվականի օգոստոսի 25-ի>> N 758-Ա/Ք հրամանով հաստատված <<Մանկապարտեզի ավագ խմբի (5-6 տարեկան երեխաների) կրթական համալիր ծրագրի՝

1) «**Խոսքի զարգացում**» բաժինը լրացնել նոր պարբերությամբ՝ հետևյալ բովանդակությամբ՝

<<(3-րդ եռամսյակ)

- Զրույց՝ <<Ինչո՞վ են նման և ինչո՞վ են տարբեր մանկապարտեզն ու դպրոցը>>

- Ոտանավորի ուսուցում՝ Լ. Սարգսյան <<Ի՞նչ կլինի>>

- Ոտանավորի ուսուցում՝ Ֆ. Կիրակոսյան <<Ես էլ դպրոց կգնամ>>

- Նպատակային էքսկուրսիա՝ մոտակա դպրոց (այն կարելի է ինտեգրել կերպարվեստի հետ. վերադառնալուց հետո երեխաները նկարում են իրենց տպավորությունները և ստեղծում գիրք՝ դպրոցի մասին)

- Դիդակտիկ վարժություն՝ <<Ես սիրում եմ իմ դպրոցը, որովհետև...>>

- Խաղ-մրցույթ՝ «Ամենախելացի ապագա առաջին դասարանցին» (Երեխաները պատասխանում են դաստիարակի հարցերին՝ կռահելով տարբեր ստեղծագործությունների, հեքիաթների հերոսներին: Ներկա է նաև առաջին դասարանի ուսուցչուհին)

- Գեղարվեստական գրականություն՝ «Պատմվածքներ և պատմություններ դպրոցի մասին»>>>>,

2) «**Կերպարվեստային գործունեություն**» **բաժինը** լրացնել նոր պարբերությամբ՝ հետևյալ բովանդակությամբ՝

<<(3-րդ եռամսյակ)

Նկարչություն

- Ստեղծագործական նկարչություն՝ «Դպրոցն իմ աչքերով»>>

- Հիշողությամբ նկարչություն՝ «Առաջին անգամ դպրոցում»>>

Ծեփ

- «Ես և իմ դպրոցական ընկերները՝ ֆիզկուլտուրայի ժամին»>>

Ապիկացիա

- «Գեղեցիկ ծաղիկներ՝ իմ առաջին ուսուցչուհուն»>>

Կառուցողական

- Օրիգամի՝ թղթի ծալումներով «Դպրոցական պայուսակ»>>>>,

3) «**Երաժշտություն**» **բաժինը** լրացնել նոր պարբերությամբ՝ հետևյալ բովանդակությամբ՝

<<(3-րդ եռամսյակ)

- Խոսք՝ Ս. Մուրադյանի, երաժշտությունը՝ Հ. Խրիմյանի, «Հրաժեշտ մանկապարտեզին»>>

- Խոսքը և երաժշտությունը՝ Ս. Սարուխանյանի, «Հարազատ դպրոց»>>

- Խոսք՝ Ս. Մուրադյանի, երաժշտությունը՝ Լ. Համբարձումյանի, «Մայրիկն ու այբուբենը»>>>>,

4) «**Ընտանիք-մանկապարտեզ-դպրոց**» **բաժինը** լրացնել նոր պարբերությամբ՝ հետևյալ բովանդակությամբ՝

<< Մանկապարտեզ-դպրոց սահուն անցումն ապահովելու նպատակով ընտանիք-մանկապարտեզ-դպրոց համագործակցության արդյունքում կարևորվում է հետևյալ խնդիրը՝ ապահովել յուրաքանչյուր ծնողի ակտիվ մասնակցությունը մանկապարտեզի և դպրոցի կյանքին: Այդ առումով անցկացվում են հետևյալ աշխատանքները.

<<Ծանոթության այցեր»>>

Այցելություն դպրոց՝ դպրոցական միջավայրին ծանոթանալու նպատակով, տեղեկանալու, թե ի՞նչ առանձնահատկություններ/ավանդույթներ կան դպրոցում, ինչի՞ն և ինչպե՞ս պետք է նախապատրաստվել, ինչպիսի՞ դերակատարում ունեն ծնողները դպրոցական առաջին օրերի ընթացքում...

Տունայցեր՝ ապագա դպրոցականի ընտանեկան միջավայրին ծանոթանալու և ծնողների հետ գործընկերական ջերմ հարաբերություններ հաստատելու նպատակով:

<<Համատեղ միջոցառումներ>>

Ծնողները մասնակցում են համատեղ միջոցառումների՝

ա) մանկապարտեզում՝ <<Գարնան զարթոնքի և մայրության տոն>>, <<Հրաժեշտ մանկապարտեզին>>... (մասնակցում է նաև դպրոցի ուսուցչուհին)

բ) դպրոցում՝ <<Գիտելիքի օր>>, <<Ա տառի շնորհանդես>>... (մասնակցում է նաև մանկապարտեզի դաստիարակը)

Նպատակահարմար է տարվա ընթացքում անցկացնել մրցույթ՝ <<Ամենահամերաշխ ընտանիքը>>: Դրան մասնակցելու համար ընդհանուր ծնողական ժողովում ընտրվում են ամենաակտիվ ծնողներն ու իրենց երեխաները:

Համատեղ քննարկումներ

- <<Ի՞նչ դեր ունեն ծնողները և ինչպե՞ս պետք է նպաստեն անցման գործընթացին>>

- <<Ի՞նչ դեր պետք է ունենա դպրոցը նոր միջավայրին երեխայի հարմարվելու գործընթացում>>

- <<Դպրոցական կյանքին սոցիալապես հարմարվելու ինչպիսի՞ խնդիրներ պետք է լուծի մանկապարտեզը>>

- <<Ինչպե՞ս կազմակերպել կրթության առանձնահատուկ պայմանների կարիք ունեցող երեխաների սահուն անցումը>>

<<Ցուցումներ ծնողներին>>

- Դրական վերաբերմունք ձևավորել՝ դպրոցի նկատմամբ և հաճույքով օժանդակել Ձեր երեխայի ուսումնառության գործընթացին:

- Ծանոթացել՝ դպրոցին և ներկայումս կիրառվող կրթական համակարգին:

- Հանդիպումներ ունեցե՛ք դպրոցի ուսուցչի և դպրոցի տնօրենի հետ:

- Օգնե՛ք երեխային՝ ձեռք բերել սեփական խնամքի հետ կապված որոշ հմտություններ:>>,

5) <<**Տոներ, զվարճություններ**>> բաժինը լրացնել նոր պարբերությամբ՝ հետևյալ բովանդակությամբ՝

- <<Փոքր մարդկանց մեծ իրավունքները>>

- <<Ճանաչիր քո իրավունքները>>:



**ԼԵՎՈՆ ՄԿՐՏՉՅԱՆ**